

Regional News Unit AIR Aizawl  
Wednesday, March 20, 2024

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

- Mizoram Lok Sabha inthlan lo awm tur atana inbuatsaihna ngawrh taka kalpui a ni.
- National Highway(NH) 54 kawngpui sial hna thawhin an chenna In a tihchhiat dawn avanga zangnadawmna pek tawh, thupek te chenna in thiahsak a ni.
- Prime Minister Narendra Modi chu nimin khan NDA inthlan campaign pualin Kerala-a Palakkad-a Roadshow-ah a tel.

<><><>

### LS PREPARATIONS

Lok Sabha inthlanpui kumina neih turah District hrang hranga April ni 19-a tuang taka vote thlak anih theih nan inbuatsaihna kalpui mek a ni.

Lunglei ah chuan District Election Officer leh Bawrhsap ni bawh Pi Ramdinliani chuan a pisa ah mawhphurhna chanvo hrang hrang chelhtu Nodal officer 16 te Review meeting a neihpui a, He meeting-ah hian Nodal officer te chuan an hmalak tawhna hrang hrang te report pe in, an hmachhawp leh hmabak te an tarlang a, Polling Station tur atana thlan school leh sawrkar building-ah te tui intur, eng, network, kalpawhna tur kawng leh inthiarna hmun hma siam that chungchang te an sawi a ni.

Pi Ramdinliani chuan Lok Sabha Inthlanpui atana Nodal Officer ruat te chu nikum MLA inthlanpui a Nodal Officer te deuh vek an la ni a a, nikum MLA inthlanpui a tha taka an lo kalpui tawh ang khan kumin Lok Sabha inthlanpui a pawh tha taka an mawhphurhna theuh te an hlen leh ngei a besei thu tarlangin, Nodal Officer te chu theihtawp chhuah theuh tura fuihin, duhsakna a hlan hlawm bawh a ni.

Siaha District ah chuan District Election Officer Pu V.L. Hruaizela Khiangte hovin an thukhawm a, DEO chuan India ram rorelna sang bera Mizoram mipuite aiawha thu tur thlanna a nih dawn avangin, felfai leh thianghlim taka Election kalpui a tul takzet a ni, a ti a, A bik takin Nodal Officer- te chu mahni chanpual hna uluk leh tha taka kalpui tura a duh thu sawiin, inlungrealna leh thawhhona tha tak awm tura hma la turin a chah a ni.

MP Election- ah mipuiten vote thlak an ngai pawimawh tawk lo fo thin nia a hriat thu sawiin, Pu V.L. Hruaizela chuan mi tam zawkin vote an thlak theih nan SVEEP chu uar zawka kalpui a tul a tul a ti a. Person with Disabilities (PwD) ten Vote an thlak vek theih nan, Home Voting kalpui leh tur a ni tih sawiin, a hma lama PwD te in report turin hmalak a tul a ti . Election chhunga hman tur motor leh an rate tur chu a hmalama chingfel turin hmalak a ni ang a ti bawk. He thutkhawmah hian Siaha District chhunga Nodal Officer- te an telkim vek thei a, Election felfai taka kalpui a nih theihna tura hmalak dan tur kawng hrang hrangte sawiho a ni.

Kolasib-a Media Certification & Monitoring Committee (MCMC) pawh an thutkhawm a. He hunah hian Vote zawn nana Electronic Media hrang hrang hmansualna thleng thei ven kawng a ECI-in inkaihhruaina a siam te chu Kolasib DIPRO Pu Hmingthanzuala'n a sawifiah a ni.

MCMC, Kolasib District chuan inthlan puan anih atangin Electronic media leh Social media bakah, political advertisement neih dan an vil tan a, Electronic media kaltlang a Political advertisement chhuah tur te chu Election Model Code of Conduct an zawm leh zawm loh endik an nih hnu ah MCMC hian chhuah phalna a pe thin dawn a ni. Vote zawn nana Electronic media kaltlang a Political party emaw Candidate-te senso chu chhinchhiah a ni ang a, Account team-te hnen ah thawn thin a ni ang. Inthlan ni leh inthlan hma ni (Pre Poll) a chanchinbu kaltlang a Political advertisement chhuah tur te chuan MCMC atang hian phalna an lak hmasak a ngaih thu tarlan a ni bawk.

Nimin vek khan Champhai DC Pu James Lalrinchhana kaihhruaiin Lok Sabha inthlanpui neih tur atana inpuahchahna kalpui mekah Law Enforcement Agency hrang hrangte chuan dan leh thupek kenkawh chungchang ngaihtuahin an thu khawm.

DC chuan inthlanna puan fel a nih tawh avangin ramri depa awm Champhai District-ah enforcement agency-te ngawrh lehzuala tanlak a tul thu sawiin, inthlanna muanawm, felfai leh langtlang a awm theih nana tanlak a tul thu a sawi a. Vote zawn nana hman theih hrang hrangte man zel a ngaih thu sawiin Ramri dep hmun pawimawh taka awm Champhai District-a hmalaknate chu Election Commission of India-in a ngaihven reng a ti a, inthlahdah theih a ni lova, engtiklai pawhin inralrin reng a tul tih sawiin Law Enforcement Agency-te chu report mumal tak siama a tul huna enlet theih tur buatsaih turin a chah a. Inthlanna muanawm, felfai leh langtlang siam kawnga mawhphurhna pawimawh tak nei an ni tih inhriaa theihtawp chhuah chhunzawm zel turin a chah bawk.

Champhai SP Vineet Kumar chuan inthlan laiin damdawi, sum, dan lova bungraw tawh ven leh man kawngah theihtawp chhuah tlan a pawimawh thu a sawi a. Venhimna tha tak kalpui turin State Police bakah CAPF te nena hmalak tlan a nih thu sawiin, enforcement agency dangte nena ÷anho thiam a pawimawh dawn tih a sawi bawk.

<><><>

## EVICTION NOTICE

National Highway(NH) 54 kawngpui sial hna thawhin an chenna In a tihchhiat dawn avanga zangnadawmna pek tawh, an chenna in thiahna tur thupek zawmlo mi 5, Lunglei Zobawk South-a mite chenna in thiahsak an ni.

Lunglei District DC aiawh Pu K.Lalhlimpaia, Assistant Sattlement Officer leh Executive Magistrate nibawk hova ÷hiah sak leh an ni a,

NH54 kawngpui sial mekin an chenna in a tihchhiat dawn avanga zangnadawmna an lo pek tawh, mahse In la thiat lo leh insaseng duh lo te hi wawi tam, thuneitu ten an in te thiata, insaseng turin a lo hriattir tawh a. Mahse thupek zawm duh loh an la awm cheu avangin tun thla ni 5/atang khan Sawrkar chuan chuan hma a la tan a, hemi ni hian Tawipui ‘S’ khuua chenna in pakhat thiat hmasa berin, ni 7 ah ÷hual÷hu khuua chenna in 4 thiah leh a ni.

Vawiin hian Dawn khuua chenna in 2 thiah leh a ni ang.

<><><>

## MAMIT EXCISE

Mamit District Excise & Narcotics Department huaihawtin Kohhran hrang hranga thalai hruaitute’n ruihhlo do chungchang sawihona nimin khan an nei a, Excise & Narcotics Department leh Mamit khawpui chhunga kohhran hrang hrang thalaite chuan resolution siamin nasa zawk a ruihhlo do tura thawh ho nise an ti.

Excise Dept Assistant Commissioner Pu Lalsangzuala Ralte, hovin a Office Chamber-ah thukhawmin, Pu Lalsangzuala Ralte chuan Mamit District chhungah ruihhlo do beihpui thlak turin kohhran thalai hruaitute puihna an mamawh thu a sawi a, kalkhawmte chu an mahni kohhran theuhah uar taka puangzar turin a ngen bawk. Excise & Narcotics Department atanga ngenna siamin, thawktute tana tawngtai sak, thalaite hnena ruihhlo nghawng thalo hrihhriat, ruihhlo bawiha tang mek te chhanchhuahna kawnga hmalak, sual lak atanga thalaite dah hran, thalaite eizawna nghet nei tura inzirtir, chhungkaw tha din ngei tura thalaite inzirtir leh kohhran atanga thalaite inzirtirna chu an beiseina lian ber a nih thu a sawi.

He hunah hian Mamit khawpui chhunga Kohhran hrang hrang thalai hruaitute, Excise & Narcotics Department Officers leh Staff te an tel a ni.

<><><>

## INDIGENEOUS GAMES

Broadcasting Infrastructure & Network Development (BIND) hnuaiia Doordarshan Kendra leh Mizoram Indigenous Games Association (MIGA) ten an buatsaih Mizo hnam infiamna hmanga inelna “Mizoram Indigenous Games 2024 (Khawzawl District)’ chu nimin khan Khawzawl Sub Headquarters YMA Field-ah neih a ni a. Khawzawl Bawrhsap Pu K. Lalrohluan intihsiakna hi a hawng.

Mizoram Indigenous Games 2024 hi District Headquarters tinah neih a ni dawn a. Vawiin khan Khawzawl District chhunga YMA Branch 14 atangin infiammi 19 an kalkhawm a; mimal inelna - Insuknawr, Insaihrui pawh, Inbuan leh a huhova inelna – Inkawibah leh Inkepir hmangin an inel dawn a ni. Intihsiakna hi Mizo hnam infiamna te vawn him leh chawi lar zel an nih theih nan buatsaih a ni a. A vawikhatna atan Serchhip District-ah neih a lo ni tawh a, Khawzawl District zawhah hian Saitual District-ah inelna hi buatsaih leh a ni ang.

Hawna inkhawmah hian Pu K. Lalrohlua chuan mahni hnam tih dan vawn nun leh ngaihsan thiam chu hnam ropui zia a ni, a ti a. Khawzawl District chu Mizorama District fai ber a nih thu pawh sawiin, mi changkang apiangin faina an ngaisang a ni, a ti a. Kalkhawmte chu faina kawnga thangharh zel turin a chah a ni.

Khawzawl Bawrsap chuan kalkhawmte chu thing leh mau, nungcha leh ramngaw te humhalh turin a ngen a. Dik lo taka ramngaw leh ramsa suattu te chu Khawzawl DC Office-ah emaw Khawzawl Divisional Forest Office hnenah emaw thlen turin a ngen a. Kalkhawmte chu kangmei tichhuaktu ni lova, thing leh mau vawnghimtu ni theuh turin a chah bawk a ni.

Hawna inkhawm hi Pu T. Siana, Programme Executive, DDK, Aizawl chuan a kaihruai a ni.

<><><>

#### PRIME MINISTER

Prime Minister leh BJP hruaitu Narendra Modi chu nimin khan NDA inthlan campaign pualin Kerala-a Palakkad-a roadshow-ah a tel.

Hei hi General Election puan anih hnua Kerala-a PM Modi-a campaign na hmasa ber a ni. BJP state president K. Surendran leh Palakkad leh Ponnani Lok Sabha bial atanga NDA candidate-te chuan Prime Minister hi an tawiawm a ni. Roadshow zawhah PM Modi hi Tamil Nadu-a Salem-a vantlang inkhawmah thu a sawiin PMK nena seat insem tura inremna an siam hnuah NDA hian chakna thar a nei tih a sawi a ni.

<><><>

#### 11 ARRESTED BY NIA

National Investigation Agency chuan March 2023-a West Bengal-a Ram Navami lawmna hmuna buaina thleng chungchanga inrawlh a puh mi 11 dang a man.

NIA tarlan danin, mi 11 te hi Shamim Ahmed, Balwant Singh, Mehmud Alam, Mehfooz Alam, Shamshad Alam, Mohammad Ali, Salim Jawed, Sarfaraz Alam, Firoj Khan, Md. Sameer Ansari leh Shamshad Hussain te an ni. An vai hian West Bengal-a Shibpur, Howrah khuua cheng an ni.

He thubuui ah hian State Police-te chuan Howrah-a Shibpur khua mi 36 lakah thubuui an zia lut tawh a ni. High Court of Calcutta chuan nikum April thlaa Ram Navmi lawmnaa mipui tharum thawhna thleng nasa tak kaihhnawih thubuui zawng zawng chu NIA-ah sawn vek turin a ti a ni.

<><><>